

**FERMÍN BOUZA-BREY****Texto 23***Nao senlleira*

GÁNDARA

N-aquel biduido dos bidos louzanos  
o páxaro Sol non pía seus raios,  
e morre de amor.

N-aquel biduido dos lanzales bidos  
o páxaro Sol non criba seus píos  
e morre de amor.

Non criba seus ritmos, non pouxa seus  
raios e albean de frío os albres delgados  
e morren de amor.

¡Non ceiba seus raios, non tece seus fíos  
e albres e mámoas albean de frío  
ca poldra que morde no mato cativo.

**Texto 24***Nao senlleira*

QUEN DERA SER NAO SENLLEIRA

¡Quén dera ser nao senlleira  
n-aquel mar non presentido  
das ja mergulladas terras!

Sen ceo, sen astros, sen vento,  
sempre ã toa pol-as ondas  
deitado no esquecemento,

nin andar nin desandar,  
nin ter outro coído acedo  
que leixarse ir polo mar ...

¡Quén dera ser nao senlleira!

Sen fíto —estrela nin porto—  
¡ser eu a propia ribeira!

¡Quén dera ...!

**LUÍS AMADO CARBALLO****Texto 25***Proel*

SOL-POR

Acorado e roibo  
durmíase o día,  
coa testa deitada  
no colo da ría

As campás beatas  
no ceo bulían  
rezando rosarios  
á Virxe María.

Bogando nas nubens  
cara ó ceo ían  
envoltas nos ouros  
do sol que morría.

Polo mar, as velas  
eran folerpiñas,  
que da lúa aberta  
nas ógoas caíran.

Da veira do río  
chegaban cantigas,  
choutando nas leiras  
molladas de risas.

Preto do hourizonte  
estrelas obrizas  
frotaban os ollos  
tirando a perguiza.

E bicando os lonxes  
as foulas ispidas  
o alén nevaban  
de limpas sorrisas.

Un outo aturuxo  
voando fuxía.  
E os bosques lonxanos  
noite revertían.

**LUÍS PIMENTEL****Texto 26***Triscos*

ECO

Crara voz de espello,  
sen sangue nen roupa  
cos teus seos frios, coma o mirto,  
mitade luz, mitade soma.  
Nos teus cadrís duros  
a lus fría  
de un marfil vivo traes.  
Do fondal do misterio do bosque  
saís espida,  
cas maos valeiras,  
sen alento nen ar.  
Circía como un lago morto.  
Crara voz entre follas.

**Texto 27***Sombra do aire na herba*

INVERNO NA MIÑA VILA

Fino ceo de telaraña  
cinza de pérola.  
Un galo canta,  
flama sobre a neve.

As murallas durmen,  
redondas e brandas.  
Roto o resorte do pobo,  
as voces caen en cabezales  
de nardos.

Horas sin ferro.  
Reló de fariña:  
neve.

Salirá a lúa,  
como unha raxa de melón  
fría e dulce.

**Texto 28***Nouturno*

O corazón ben o sabía,  
e na frente da noite  
a música rompía frores de marfil  
pra o piano pulido de silencio.  
Eu pensábache regalar a iauga da noite  
pra vestir os teus ombros acáiados.  
¿! as voceciñas das frores da amendoeira?  
¡Canto medo sobre o tronco negro  
e canto espía a unha i outra beira do río  
contando as estrelas que se queren afogar!  
Non sabes que o muíño devolverache máis  
puro o vidro.

[...]

**EDUARDO BLANCO AMOR****Texto 29***Romances galegos*

RAID

Baixo a leira da noite sementada  
estrelas a florir.  
Estrondo inevitábel da lúa. Coitelada  
de luz pra me ferir.

Abren ruta as esquinas, esas proas  
fastiadas da cibdá.  
Cargamento de pérolas i adoas  
pra o porto da mañá.

Na encrucillada espallan meus intentos  
catro brazos en cruz.  
E arrédanse de min os pensamentos:  
catro vieiros de luz.

Berros xordos, metáforas valeiras  
sobre min a chóver.  
E a carón das estrelas tecedeiras  
sinto o ser e o non ser.

Van polo mouro espello dos tellados  
rolando horas sin fin.  
E neste raid aos soles apartados  
fuxo soio, sin min.